

# RECacciona

## Berdintasun ezari... #GukEzetz

### Bideo lehiaketa

Egin al dizkiozu inoiz zure buruari **honako galderak**? Nolako **urrun gaude oraindik emakume eta gizonen arteko berdintasun errealetik**? Zer **arazori** egin behar diegu aurre? Nola **eraiki dezakegu egunero gazte eta gizarte bezala berdintasuna**? Zeintzuk dira **erronka nagusiak**?

- Zure ikuspuntutik, Berdintasuna zeharkako balore txertatzeko, egokia al da gaur egun dugun hezkuntza sistema?
- Zein da gaur egungo gazteen egoera? Berdintasuna nabari ahal duzu zure eguneroko bizitzan?
- Emakume gazte bezala, zein arazori egin behar diogu aurre Berdintasun ikuspegia kontuan izanda? Eta gizon gazte bezala?
- Lan munduaren diseinuan, eraikuntzan eta kudeaketan genero ikuspegia txertatzearen beharra argia iruditzen zaizu? Ala egun txertatua dagoela esango zenuke?
- Kultura eta politika munduan dagokionean, emakumeok tratatu eta ikusgaitasun berdina al dugu? Adibidez, kirol munduan, zein desberdintasun nabaritzen dira oraindik?
- Berdintasunaren ikuspegitik, nola aldatu da gazteen egoera 30 urte hauetan? Hobeto gaude, berdin ala okerrago?
- LGTBI+ kolektiboaren egoerak bereizketa egoera izaten al dirau? Nola lotzen duzu hau emakume eta gizonen arteko Berdintasunaren lan-ildoarekin?
- Zeintzuk dira lehen ematen ziren erronkak eta gaur egun sortzen direnak?
- ... eta honen inguruan bururatzen zaizkizun bestelako ideiak.

**Ordezkarri politikoei** gazteriaren berdintasun egoerari buruz zerbait esan nahi diezu? Honi guztiari aurre egiteko **proposamenen bat** bururatzen al zaizu?

**Adierazi ezazu bideo batean!** Euskadiko Gazteriaren Kontseilutik, bideo lehiaketa abiatu dugu, **“RECacciona. Berdintasun ezari... #GukEzetz”** lelopean. Hauxe da nahi duguna: egun gazteok berdintasun ikuspegitik bizi dugun egoerari buruz eztabaida sustatu, zu bezalako pertsona eta elkarten artean, eta sortzen diren ideiak administrazioetara helarazi.

**Sari bikainak ditugu, parte hartuko duzu?**

- **Gutxienez bi** pertsonaz osatutako taldea egin.
- **Izen emate orria** bete.
- **Gehienez 4 minutuko** iraupena duen bideoa egin.
- **YouTubera** igo eta bidal ezazu lotura eta artxiboa WeTransfer bidez [komunika@egk.org](mailto:komunika@egk.org) emailera ekainaren 5a baino lehen

# Oinarriak

## 1.- Helburua

Gazteok gaur egun dugun egoerari buruzko eztabaida sustatzeko abiatu du lehiaketa hau Euskadiko Gazteriaren Kontseiluak (EGK), baita gazteek gai honen inguruan dituzten ideia eta ikuspuntu ezberdinak jaso eta zabaltzeko ere.

## 2.- Gaia

Lehiaketaren gaia honako hau da: **"Berdintasun ezari #GukEzetz"**. Bideoek, gaiarekin lotura dituzten gazteen ekarpenak eta hausnarketak jaso behar dituzte, galdera hauetariko bat edo batzuei erantzuna emanaz:

- Zure ikuspuntutik, Berdintasuna zeharkako balore txertatzeko, egokia al da gaur egun dugun hezkuntza sistema?
- Zein da gaur egungo gazteen egoera? Berdintasuna nabari ahal duzu zure eguneroko bizitzan?
- Emakume gazte bezala, zein arazori egin behar diogu aurre Berdintasun ikuspegia kontuan izanda? Eta gizon gazte bezala?
- Lan munduaren diseinuan, eraikuntzan eta kudeaketan genero ikuspegia txertatzearen beharra argia iruditzen zaizu? Ala egun txertatua dagoela esango zenuke
- **Kultura eta politika munduan dagokionean, emakumeok tratu eta ikusgaitasun berdina al dugu? Adibidez, kirol munduan, zein desberdintasun nabaritzen dira oraindik?**
- Berdintasunaren ikuspegitik, nola aldatu da gazteen egoera 30 urte hauetan? Hobeto gaude, berdin ala okerrago?
- LGTBI+ kolektiboaren egoerak bereizketa egoera izaten al dirau? Nola lotzen duzu hau emakume eta gizonen arteko Berdintasunaren lan-ildoarekin?
- Zeintzuk dira lehen ematen ziren errotrak eta gaur egun sortzen direnak?
- ... eta honen inguruan bururatzen zaizkizun bestelako ideiak.

Gogoratu EGKren eginkizuna gazteekin zerikusia duten politika publikoetan eragina izatea dela. Horregatik, gazteen berdintasun arloko etorkizuneko errotra eta aukerak lantzen dituzten bideoek lehentasuna izango dute.

## 3.- Parte-hartzaileak

**16-30 urte bitarteko** pertsona guztiek parte har dezakete, gutxienez bi pertsonaz osatutako taldetan. Talde batean 18 urte beherako norbait baldin badago, adin nagusiko pertsona bat izango da taldearen arduraduna, eta hala adieraziko du izen-emate orrian.

#### 4.- Bideoen ezaugarriak

Proposatutako gaiarekin bat etortzeaz gain, honako baldintzak bete behar dituzte bideoek:

- Aurretik **argitaratu gabeak** izan behar dira.
- **Euskaraz, gaztelaniaz edo bi hizkuntzetan** izan daitezke. Gaztelaniaz izatekotan, euskararen presentziaren bat bermatu beharko da (adibidez azpigituluetan, animazioetan...).
- Bideoaren hasieran **lehiaketaren kareta** jarri behar da. Lehiaketan izena ematerakoan jasoko dute hasierako irudia parte-hartzaileek.
- **Gehenez lau minutuko** iraupena izatea, kareta eta kredituak barne.
- **YouTube**k onartutako formatuetako batean egotea.
- Irudi eta soinu guztien **eskubideak libreak** izan beharko dira edo, bestela, titularraren **baimenaren** ziurtagiria aurkeztu beharko da.
- Euskadiko Gazteriaren Kontseiluak ez ditu indarkeria, sexismoa, homofobia eta arrazakeria edukiak edo pertsonen oinarizko giza **eskubideak urratzen** dituzten bideoak onartuko. Era berean, EGK-k ez du izango bideoen edukien eta iritzien gaineko ardurarik.

Genero guztietako bideoak onartuko dira: argazki-muntaketak, antzerkia, dokumentalak, bideo-komikiak, ilustrazio animatuak, ikus-entzunezko olerkia, kronika... Edozein gailu erabili daiteke (argazki-kamera, bideokamera, mugikorra...).

#### 5.- Lehiaketaren faseak

- **Izen emateak**: ekainaren 9a arte, eguerdiko 12ak arte.
- Bideoen bidalketa: ekainaren 12a arte, eguerdiko 12ak arte.
  - Bideoa **YouTube**ra igo eta bidali lotura [komunika@egk.org](mailto:komunika@egk.org) helbidera.
  - Gainera, artxiboa WeTransfer bidez [komunika@egk.org](mailto:komunika@egk.org) emailera ekainaren 12aren eguerdiko 12ak baino lehen
- **Epaimahaiaren erabakia eta publikoaren bozketak**: ekainaren 15a arte.
- **Sari-banaketa eta sarituen jakinarazpena**: ekainaren 30a baino lehen.

#### 6.- Sariak

Honako sariak banatuko dira:

- **Lehenengo saria: 1.000 euro\***
- **Bigarren saria (publikoak aukeratutako saria): 400 euro\***
- **Ikusleentzat saria: 50 euro** bidezko merkataritzako saltoki bateangatzeko.

\*Sarien erabilera proposamena: berdintasun arloko nahiz ikus-entzunezko materialen sorrerarekin harremana duten ikasketak nahiz proiektuak.

- Berdintasunarekin **lotura duen** formazioa edo ikastaro bat egiteko.

- Berdintasun mailan dituzun **idea eta planak** aurrera eramatek..
- Berdintasun zerikusia duen **proiekturen bat gauzatzeko** (bideo bat grabatu, argazki-erakusketa bat egin, koreografia bat muntatu, argitalpen bat editatu, jardunaldi batzuk antolatu...).
- Elkarte edo gizarte mugimendu batean **ekintzak** antolatzeko.
- Elkarte bati, gizarte proiektu bati edo Gobernu Kanpoko Erakunderen bati dirua **emateko** edo kolektibo batentzat **materiala** erosteko.
- Bururatu ez zaizkigun ekimenetarako (zure ideia izen emate orrianaipatu).

Parte hartzaileek saria zertarako erabili nahi duten gutxi gora behera aurreratu beharko dute [izen emate](#) orriari. Zalantzaren bat izatekotan, [komunika@egk.org](mailto:komunika@egk.org) helbidera idatzi edo 943 429767 telefonora dei dezakete. Dena den, behin saria jasotakoan ideiaz aldatzekotan, saria erabiltzeko beste ideiarekin bat aurkeztu diezaiokete parte-hartzaileek Gazteriaren Kontseiluari.

Sariak emateko, Euskadiko Gazteriaren Kontseiluak (EGK) honakoa egingo du: irabazleen proiektu edo ideiarekin **gastuak ordaindu**, sariaren zenbateko osoa gastatu arte (inprenta, hegazkin- txartelak, ikus-entzunezko materiala... edo parte-hartzaileek aukeratu dituzten bestelako gastuak). **Saria 2017eko azaroaren 20a baino lehen erabili behar izango da.**

Proiektu edo ideiarekin ezaugarriak direla-eta, eraginkorragoa ikusten badu, Euskadiko Gazteriaren Kontseiluak 1.000 euroko **txekea** emango die lehenengo sariko irabazleei, eta 400 euroko txekia bigarren saria jasotzeko. Ondoren, sarituek diru hori alde aurretik zehaztutako proiektu edo ideiarekin gastatu dutela justifikatu behar izango dute, **2017ko ekainaren 30a [tarte gehiago?] baino lehen.**

Ikusleentzako saria ere 2016ko abenduaren 18a baino lehen erabili behar izango da. Zozketa honen oinarriak Euskadiko Gazteriaren Kontseiluaren atarian argitaratuko dira ([www.egk.eus](http://www.egk.eus)), 2016ko ekainaren 10a baino lehen.

## 7.- Epaimahaia

Honako kideek osatuko dute lehiaketaren epaimahaia: Euskadiko Gazteriaren Kontseiluko Batzorde Iraunkorreko bi kide eta EGK-ko presidentea eta komunikazio eta berdintasun teknikariak.

Honako irizpideak izango ditu kontutan epai mahaia:

- Bideoak lehiaketaren **oinarriak** betetzea.
- Lanak proposatutako **gaia** ondo adieraztea.
- Mezua **jatorrikoa** eta **sortzailea** izatea.
- Kalitate teknikoa bigarren mailako irizpidea izango da.

Oinarri hauetan zehaztutako baldintzak betetzen ez dituzten lanak baztertzeko eskubidea du

epaimahaiak.

Epaimahaiaren erabakia zehazteke dagoen leku eta egun batean emango da argitara.

## 8.- Legezko alderdiak

Izena ematerakoan parte hartzaileak lehiaketaren **oinarriak irakurri eta ulertu dituela** adierazten du. Lehiaketa honetan parte hartzeak oinarri guztien **onarpena** adierazten du. Parte hartzaileak izango dira bideoetan azaltzen diren pertsonengatik irudi eskubideak direla eta izan daitekeen edozein erreklamazioaren erantzule bakarrak. Bideoan adingabeak agertzen badira, lehiakideek pertsona horien tutoreen baimena aurkeztu beharko dute.

Datu Pertsonalen Babeserako 15/1999 Lege Organikoaren arabera, parte-hartzaileek izen- emate formularioa bidaltzerakoan Gazteriaren Kontseiluari emandako datu pertsonalak lehiaketarako beharrezkoak diren izapide eta gestioetan kudeatzeko baimena ematen diete.

Lehiaketan parte hartzen duten pertsonak baimena ematen diote EGKri materiala, doan eta egoki ikusten den edozein euskarritan **hedatzeko, banatzeko, erakusteko, publikoki komunikatzeko, zabaltzeko eta erreproduzitzeko.**

Euskadiko Gazteriaren Kontseiluak lehiaketa honetako oinarriak edozein mementotan **interpretatzeko edo aldatzeko** eskubidea du, baita saria eman gabe uzteko eta lehiaketa bera bertan behera uzteko ere, betiere tartean neurri hori bidezkotzen duen arrazoiren bat bada. Edozein kasutan, EGK-k oinarri hauetan eman daitekeen edozein aldaketa, eta bere kasuan, lehiaketa osoaren baliogabetzea bide honen bidez komunikatzeko konpromisoa du parte-hartzaile guztiek informazio hori eskura izan dezaten.

## KRONOGRAMA

**Izen-ematea eta bideoen bidalketa:** ekainaren 9a eta 12a arte, hurrenez hurren.

**Bozketak eta epaimahaiaren erabakia:** ekainaren 21a arte.

**Sarien jakinarazpena eta sari-banaketa:** ekainaren 20a eta 30a baino lehen, hurrenez-hurren.